
KONTROLLUTVALET I TYSVÆR



ÅRSMELDING
2024

INNLEIING

Kontrollutvalet si årsmelding er ei tilbakemelding til kommunestyret om utvalet si verksemd og kva saker og oppgåver som er tatt opp, drøfta og handsama i 2024. I følgje kommunelova § 23-5 skal **"kontrollutvalget rapportere resultatene av sitt arbeid til kommunestyret"**.

1. OM KONTROLLUTVALET

Kontrollutvalet er eit lovpålagt organ som skal på vegne av kommunestyret syte for tilsynet med forvaltninga av kommunen gjennom rekneskapsrevisjon og forvaltningsrevisjon og selskap som kommunen eig eller er deleigar i (eigarskapskontroll). Utvalet skal også sjå til at revisjonen fungerer på ein trygg måte. Ordninga er heimla i kommunelova og der er ei eige forskrift om kontrollutval og revisjon.

Kontrollutvalet er ikkje underlagt andre organ enn kommunestyret. Utvalet rapporterer og legg fram sine innstillingar direkte til kommunestyret. Utvalet har eige reglement, vedteken av kommunestyret fyrste gong i 2011 og det blei revidert i 2020, som følgje av ny kommunelov.

Det er kommunestyret sjølv som vel medlemmene. Kontrollutvalet skal ha minst fem medlem, og etter § 23-1 skal minst eit medlem veljast blant kommunestyret sine representantar. Tilsette i kommunen er utelukka frå val til kontroll- og kvalitetsutvalet. Medlemmene kan heller ikkje vere medlem/varamedlem i andre utval, som har avgjerdsrett, eller vere i styret eller bedriftsforsamlingar, der kommune har eigarinteresse.

2. MEDLEMMENE I UTVALET

For perioden 2023 - 2027 har kommunestyret valt følgjande medlemmer:

Faste medlemmer		Varamedlemmer
Leiar	Svein Terje Brekke (Krf)	1. Henning Bratthammer (SV)
Nestleiar	Stig Hop (INP)	2. Aud Irene Eikemo (Ap)
Medlem	Bodil Tungland (Ap)	3. Vegard Espeland (V)
Medlem	Karsten Arne Larsen (Frp)	4. Elisabeth Skjervheim Saxe (Krf)
Medlem	Åse-Berit Apeland Rolland (Sp)	5. Rune Hagland (H)

Henning Bratthammer erstatta Synnøve Bredal Bjelland som 1. vara frå februar 2024.

Nestleiar Stig Hop er utvalet sin kommunestyrerepresentant. Utvalsleiar har møte- og talerett i kommunestyret når utvalet sine saker blir handsama. Han kan overlate denne retten til andre medlem i utvalet.

Ordføreren har møte- og talerett i utvalet. Ho har møtt på fire av møta i 2024. Rådmannen har ikkje møterett, men kan innkallast av utvalet. Rådmannen eller andre frå administrasjonen har vore til stades på alle fem møta.

Møta vert gjort kjent på kommunen sine nettsider og sekretariatet sine heimesider (www.kontrollutvalgene.no). På desse stadene vert også sakspapira og protokollar lagt ut.

3. AKTIVITETEN I KONTROLLUTVALET I 2024

Kontrollutvalet har i 2024 hatt 5 møte fordelt på tre om våren og to på hausten. Kontrollutvalet har opne møte, men dei skal og kan bli lukka når det er heimla i lov.

Utvalet har i 2024 hatt 29 saker til handsaming, der 5 av sakene er vidaresendt til handsaming i kommunestyret. 33 saker er blitt lagd fram til orientering. Samla oversyn over saker følgjer som vedlegg til årsmeldinga.

4. KONTROLLUTVALET SINE HOVUDOPPGÅVER

Kontrollutvalets oppgåve er å drive systemkontroll. Her under ligg å sjå til at kommunen etterlever gjeldande lover og reglar, når dei mål kommunestyret har sett og forvaltar ressursane på ein effektiv måte.

For å nå dette målet har kontrollutvalet innsyn i forvaltninga sine dokumenter og kan be om samtaler med rådmannen/administrativ leiing for kontroll med administrasjonen. Kontroll med det politiske nivået gjennomførast ved tilgang til alle politiske møte. Kontrollutvalet har også møterett om dørene er lukka – så sant det gjeld ein sak som gjeld kontroll og tilsyn.

Oppgåvene er knytt til tilsyn og kontroll gjennom rekneskapsrevisjon, forvaltningsrevisjon og eigarskapskontroll. Utvalet skal også sjå til at revisjonen fungerer.

4.1 REKNESKAPSREVISJON

Kontrollutvalet skal sjå til at kommunen sin årsrekneskap vert revidert på ein trygg måte. Kontrollutvalet skal også halde seg orientert om revisjonsarbeidet og sjå til at det går føre seg i samsvar med lov og føresegner, god kommunal revisjonsskikk og kontrollutvalet sine instruksar.

Kontrollutvalet handsama i møtet 13.05.24 kommunen sin årsrekneskap for 2023.

Årsrekneskapen viste eit netto driftsresultat med 87,8 mill. kr, som utgjer 6,2 % av driftsinntektene. Resultatet var godt over teknisk berekningsutval sin tilrådde resultatmargin på 1,75 %.

Kontrollutvalet hadde inga merknader til rekneskapen. Revisor hadde levert rein revisjonsmelding.

4.2 FORVALTNINGSREVISJON

I følgje kommunelova skal kontrollutvalet sjå til at det årlig vert gjennomført forvaltningsrevisjon av den kommunale verksemda. Forvaltningsrevisjon skjer etter kommunestyret sin vedtekne plan for forvaltningsrevisjon.

Ny plan for forvaltningsrevisjon for perioden 2024 – 2028 blei vedteken av kommunestyret i september 2024 etter innstilling frå utvalet. Planen bygger på ein Risiko- og vesentleganalyse.

Forvaltningsrevisjonsrapporten om «Beredskap, hendingar og katastrofar» blei handsama av kontrollutvalet og kommunestyret våren 2024. Revisor hadde peika på fleire forbetringsspunkt, og kom med seks tilrådingar. Det blei ein frist på ni månader for oppfølging. Det er planlagt oppfølging i mai 2025.

Rapporten «Førebygging og tidlig innsats» blei følgt opp av utvalet i mai og av kommunestyret i juni 2024 .

Utvalet har tinga ein ny revisjonsrapport om «Arbeidsmiljø og sykefravær» som vil bli levert i løpet av hausten 2025.

4.3 EIGARSKAPSKONTROLL

I følgje kommunelova er kontrollutvalet pålagt og sjå til at det vert ført kontroll med forvaltninga av kommunen sine interesser i selskap m.m. Kontrollutvalet skal også her utarbeide ein plan for gjennomføringa av eigarskapskontroll.

Ny plan for eigarskapskontroll 2024 - 2028 blei vedteken av kommunestyret i september 2024.

Det blei ikkje gjennomført eigarskapskontrollar i 2024. Tilsyn med selskap kan også bli gjennomført ved at utvalet får orientering frå leiinga i kommunale selskap.

4.4 REVISOR OG REVISJONEN SITT ARBEID

Tilsyn med revisjonen blir gjennomført ved gjennomgang av revisjonens planer og rapporter. Utvalet innhentar kvart år eigenerklæring frå ansvarleg revisor. Revisor har møte- og talerett i utvalet sine møte.

Rogaland Revisjon IKS har vore kommunen sin revisor sidan 01.07.21. Samarbeidsavtalen om eigarskap i det interkommunale revisjonsselskapet Rogaland Revisjon IKS blei godkjent av kommunestyret i møtet 15.06.21.

Rogaland Revisjon IKS har, i tillegg til eigenerklæringar, presentert plan for revisjonsarbeidet, orientert om interimrevisjonsarbeidet og lagt fram planar og risiko- og vesentlegvurderingar og arbeida med forvaltningsrevisjonsrapport.

4.5 ETTERLEVINGSKONTROLL

Kontrollutvalet skal mellom anna «påseat det føres kontroll med at den økonomiske forvaltning foregår i samsvar med gjeldende bestemmelser og vedtak....». Revisor er derfor pålagt å gje ei skriftleg uttale til kontrollutvalet seinast 30. juni. Dette blir kalla «forenkla etterlevingskontroll».

Rogaland Revisjon IKS kom med si uttale for rekneskapsåret 2023 samstundes med godkjenning av årsrekneskapen. Revisor hadde kontrollert om vedtak for tildeling av særskilt tilrettelagte boliger tilfredsstiller de krav som stilles for legitimering av retten til å krevje mva-kompensasjon for slike boliger.

Revisor hadde ingen merknader og revisor si attestasjonsuttale blei tatt til orientering.

4.6 TILSYN MED FORVALTNINGA

Tilsyn med forvaltninga kan også skje ved at utvalet får orientering frå rådmannen om spørsmål og saker utvalet har tatt opp. Utvalet har i 2024 fått orientering frå ulike resultatområder.

5 BUDSJETT/REKNESKAP - KONTROLLARBEIDET

Økonomiavdelinga har opplyst følgjande rekneskapstal for 2024:

	REGNSKAP 2023	BUDSJETT 2024	REGNSKAP 2024
Godtgjersle, kurs, m.m	61 045	137 250	77 532
Revisjonstenester	1 194 250	1 106 750	863 265
Sekretariatstenester	229 000	240 000	240 000
Sum utgifter	1 484 295	1 484 000	1 180 797

Kontrollutvalet handsama hausten 2024 framlegg til budsjett for kontrollarbeidet for 2025. Totalt var framlegg til budsjett inkl. revisjonstenester, sekretariatstenester og kontrollutvalet sine egne utgifter på kr 1 564 000.

6. SEKRETARIATET

Kommunane er pålagt å ha eit kontrollutvalssekretariat som er uavhengig, dvs. ikkje knytte opp mot rådmann eller revisjon. Haugaland Kontrollutvalgssekretariat IKS blei etablert i 2004.

Selskapet er eid av 10 kommunar og oppgåvene blir ivaretatt av to tilsette. Sekretariatet har, i tillegg til kontakt og samarbeid med utvala, administrasjon og politisk leiing, samarbeid med tre revisjonsselskap, andre interkommunale selskap i regionen og andre sekretariat, spesielt med Rogaland, Vestland og Agder.

Fast utvalssekretær har vore rådgjevar Sjur Hatlen. Sekretariatet har eigne heimesider, www.kontrollutvalgene.no, kor mellom anna alle sakskart, protokollar og rapportar blir lagd ut fortløpande.

Frå Tysvær kommune er Monika Lindanger valt i representantskapet for IKS`et med Svein Ivar Dybdal og Ola Steinar Apeland som varamedlemmer. Lindanger deltok på representantskapsmøtet 22.04.24.

7. OPPSUMMERING

Aktiviteten i 2024 har vore nokon lunde som planlagt. Årsrekneskapen og forenkla etterlevingskontroll blei handsama i maimøtet. Forvaltningsrevisjonsrapporten om «Førebygging og tidleg innsats» har blitt følgt opp av utvalet og kommunestyret.

Forvaltningsrevisjonsrapporten om «Beredskap, hendingar og katastrofar» har blitt behandla av utvalet og kommunestyret på våren og er planlagt følgt opp i fyrste halvår 2025.

Kommunestyret vedtok ny plan for forvaltningsrevisjon og eigarskapskontroll 2024 – 2028 i september, etter innstilling frå utvalet.

Administrasjonen har elles gjort greie for kommunen sin økonomiske situasjon gjennom rekneskap og budsjett, samt orientert om andre aktuelle saker.

Aksdal, den 10.02.25

Svein Terje Brekke
leiar

Bodil Elvie Varpen Tungland

Stig Hop

Karsten A. Larsen

Åse-Berit Apeland Rolland

VEDLEGG TIL ÅRSMELDING 2024

Saker handsama av utvalet

- 01/24 Godkjenning av protokoll frå møtet 28.11.23
- 02/24 Rogaland Revisjon IKS om revisor si rolle og ansvarsområde
- 03/24 Plan for orienteringar frå administrasjonen
- 04/24 Årsmelding for kontrollutvalet 2023
- 05/24 Referat- og orienteringssaker

- 06/24 Godkjenning av protokoll frå møtet 19.02.24
- 07/24 Orientering om administrasjonen v/rådmannen
- 08/24 Oppfølging av revisjonsrapport - «Førebygging og tidleg innsats»
- 09/24 Uttale til årsrekneskapet og årsmelding for 2023
- 10/24 Forenkla etterlevingskontroll for rekneskapsåret 2023
- 11/24 Referat- og orienteringssaker

- 12/24 Godkjenning av protokoll frå møtet 13.05.24
- 13/24 Orientering om helse og mestring v/kommunalsjef
- 14/24 Forvaltningsrevisjonsrapport - «Beredskap, hendingar og katastrofar»
- 15/24 Presentasjon av risiko- og vesentlegvurdering og prioritering av prosjekt
- 16/24 Referat- og orienteringssaker

- 17/24 Godkjenning av protokoll frå møtet 10.06.24
- 18/24 Orientering om oppvekst og kultur v/kommunalsjef
- 19/24 Plan for forvaltningsrevisjon og eigarskapskontroll
- 20/24 Val av nytt forvaltningsrevisjonsprosjekt
- 21/24 Budsjettframlegg 2025 – kontrollarbeidet i kommunen
- 22/24 Revisor si egenerklæring for 2024
- 23/24 Orientering om revisjonsstrategi og forenkla etterlevingskontroll for 2024
- 24/24 Referat- og orienteringssaker

- 25/24 Godkjenning av protokoll frå møtet 09.09.24
- 26/24 Orientering om teknisk og næring v/kommunalsjef
- 27/24 Bestilling av revisjonsprosjektet «Arbeidsmiljø og sykefravær»
- 28/24 Møteplan 2025
- 29/24 Referat- og orienteringssaker